


啟雋問類函
 近道八十三之四



漢書門			
一	二	三	四
四	八	〇	〇
冊	架	函	號

內閣文庫			
三	二	一	漢
六	四	一	書
架	冊	號	類

內閣文庫	
番號	漢 11400
冊數	48 (42)
函號	364 52



綴じ部(喉部分)の文字など開きが不鮮明な箇所あり

啓雋近體卷八十三

類函九十五

東吳俞安期羨長彙編

上饒王嗣經日常同輯

建武鄧漢遠遊訂定

郡僚部一

賀郡守初任

賀泉州李守啓曾通判此州

宋王邁





詔從琛節就領銅符上念大邦疇可代西清之後公

當遴選依然頒南國之春福星不易其舍躔膏雨若

私於潤澤敬裁吉語上徹賀牀竊以九重親覽於政

權一相兼總乎衆職浴爾羣牧必觀御屏上之姓名

家書頁內 卷八十三



至如巨藩參攷夾袋中之人物幸真儒之報政繼國
子之于蕃召前杜後之歌謠播於道路蕭規曹隨之
事業均此權輿恭惟某官氣質涵乎天和出處關於
世運早負掄魁之譽諮過司帝學之範模要路在前
不屑入公孫之館斜飛補外肯來題仲舉之輿視象
牙蚌貝之珍與瓦礫等約龍戶烏檣之至若符券然
風標凜米雪以目持心事質鬼神而無愧果徹瓌旒
之聽卽凝燕寢之香回觀半刺之舊游恍如昨日細
攷清涼之前比劍見此除方元戎之命始頒而通國
之人若失繫以名流而接武藹然和氣之如初龔黃
以父母而臨民其心則一馬范如兄弟之議政特姓
不同教條初孚仁聲交暢峴來而轂自賤稱物惟平
惺用而年不饑活人必衆行書循吏上上之考不忝
後尹熙熙之稱惟是公道開明諸賢嚮用使元結得
數輩民物其殆庶幾生李晟爲萬人社稷又將有託
某受知最厚愛助尤深謂居上固戒於不寬而徒善
亦難於爲政屬邑之縱胥吏大姓之侵細民軍卒橫
而紀律不明保障弛而備禦不素去城五里白晝敢
攫金而去之並海數家黑夜有負舟而走者此非可
以柔而獨理又必當克愛而用威非敢勸高明爲一

切之謀蓋深恐衆庶玩習寬之政必按貪斯可言義
必除暴所以爲仁豺狼去而良畜始蕃根莠芟而嘉
禾乃殖敢憑宏量僭獻愚忠惟善人受盡言諒辱誼
襟之容納集衆思廣忠益願爲相業之栽培

賀謝太守啓

宋王邁

伏審陞華寶宇移鎮玉山碧草綠波殊鬱懋崇之父
老朱幡皂蓋已歌騎竹之兒童安得一語借寇君於
帝前正恐兩州爭杜公於境上去思之極喜耀伊何
恭惟某官書府斗牛相門星鳳夢池塘之草家自有
於詩聲鄙堦砌之蘭世共推於儒傑思昔先正時維

巨公使吾君爲堯舜之君今猶被於宗社以所學皆
周孔之學端復存其子孫獨先生自取之廉有識者
見謂之屈屢乞一麾而去過飛五袴之謠方茲蹈德
而詠仁柰何奪此以與彼雖未覺雲霄之迥已頓驚
分野之殊恐開藩之未開不俟駕而歸覲前有召父
後有杜母賴拊摩凋瘵之餘坐而堯言進而舜趨鉉
獻納熙恬之盛某猥誤衮褒之辱每虞製錦之傷鳴
鳳凰於高岡式俟九苞之瑞世徒鯁鵬於溟海莫隨
六翮之培風

賀真州洪守啓

宋劉克莊

伏審申錫重書榮分符竹迎鑾置郡舊稱江左之繁
雄當寧選侯暫屈朝中之名輩甫先聲之入境已和
氣之滿城矧肆走趨敢稽迎候恭惟某官風規高潔
宇量崇深蹈名義之大閑襲文章之正印忠宣仗節
何慙歸漢之蘇卿文惠秉鈞不減過江之王導玉帶
樞臣之碩畫金蓮翰長之雄詞豈惟明公克肖先烈
頃陪髦士鷺振振以干飛既瞻德輝風縹縹而高逝
歛青雲之逸步尋綠野之舊遊會在庭渴見於巖徐
而中禁嘆無於頗牧亟頒一札趣建兩輜願論憂邊
方急防秋之計家傳許國寧為擇地之謀迺眷吾州

號為重鎮雖長江天塹豁瀟湘之波濤然數處風寒
合網繆於戶牖諒規模之素定使精采之一新澤中
之鴻雁莫居帳下之貔貅稟令前旌所指樂哉皂蓋
之行春左轄久虛行矣青氈之復舊某讀書雖苦涉
事至迂耕汾曲之田可支餽粥遮長安之日誤棄鈞
竿本深入於閩中忽遠移於塞上倦遊已久念自放
於一丘泥古不通了莫諳於三尺竊承開府預恐曠
官倘尚寬震懼之威庶獲舉平反之職哀矜勿喜蓋
其少小之所聞深刻寡恩諒亦君侯之不喜

賀平江趙守啓

宋洪 适

恭審課最周藩班升曉閣奎躔新度視文昌八座之
尊磐石舊封增扶風三輔之重旄倪歡抃麾幟精明
恭惟其官行整而氣醇材周而學邃九霄玉露抗仙
掌於建章柏梁之間萬里銀潢之靈槎於黃河崑崙
之表天不虛生於龍種人皆想見於麟儀洗京路之
緇塵訪江湖之奇觀為民司命與國分憂上方深思
肺腑之臣公乃近牧股肱之郡勢強宗翰福及王畿
趣下詔以召參爭遽途而借寇爰進弘璧天球之節
又為清香畫戟之留昔者房喬首冠瀛州十八人之
選今焉黃羈獨高潁川二千石之功有開人相之基
卽輿致君之業某埋頭塵駕寄命恩闕頃嘗曳裾於
天府之遊辱賜推轂於公車之辟柰迫衙門之望徒
塵飛騎之追竭來東楚之平反登聽兩清之顯耀九
而舞手知所屬心月朗虎丘臨照何分於疆界冰寒
燕谷生成早轉於陶鈞倘借餘波終歸大庇

賀趙守到任啓

宋劉宰

輟從西閩來護北門顧縉紳賀履之攸同况韋布受
塵之自舊恭惟其官澄秋爽氣霽月英姿探三易之
旨於未畫之前總七略之要於既分之後雲煙落紙
炳然華國之文樽俎折衝允矣濟時之畧屬方外禦

式侯壯猷羽扇綸巾周公瑾之當赤壁輕裘緩帶羊
叔子之鎮襄陽坐令故國之山川爭上有司之圖籍
顧於今股肱之郡無如吾父母之邦况松下吟哦勝
踐猶遺於贊府而棠陰蔽芾去思未泯於鄰封易地
而來闔境之幸正簿書於始至黠吏革心折獄訟於
片言譁徒落膽倚須治最即奉詔還某因病棄官由
壯至老領鬚如雪白念已灰十五年無趨進之階三
萬里悵仙凡之隔紫蠲泓瀨聊申鼓舞之私漫浪江
湖尚置網羅之外

賀王泉州守啓

宋○壺山

分翰起家建牙之鎮刺桐望重暫廷掾府之魁郎騎
竹聲歡與道梅溪之孫行敬馳尺札往候雙旌恭惟
某官賦分天高奮身地峻青藜宵映偏引領於群仙
翠被曉寒滄灑輝於剡宿鳴閣鳳池可契券取鷄翹
豹尾在咫尺間去而違之嘻其滯矣意造物忌聲名
之太早抑公朝欲賢瑤之更深食蘂則貪天廉拔薤
則巨姓服先聲所至輿誦交孚何須燕寢之席溫已
拜鵷書之字濕君門遠無萬里真最政之易聞刺史
列至三公况榮進之素定其偶茲將指行且承煇瞻
棠國之新陰紀筭班之舊語美茨也藥石也均置勿

言保障乎繭絲乎願竊有請

賀臨江到郡啓

宋王義山代

光膺鳳檢榮領虎符上念大邦誰可任承宣之責分
當遴選正有資撫字之功和氣先庚而已乎歡聲旁
達而交慶恭惟某官才高識遠志大氣剛絕似乃翁
僉曰父前而子後仰惟伯氏所謂今人而古心此家
學之相傳爲時流之最偉朝家重之爲天球夷玉天
下目之爲景星鳳凰因思累政以來誰擅賢侯之譽
王留耕之講求民瘼極力救荒張松山之請免楮皮
爲人除害此二公所以過登奠地而一郡所以指爲
美談自非我公曷繼前哲行節歌騰於襦袴佇看龍
錫於絲綸某聞道最迂讀書能幾思昔我祖嘗
宗爰念箕裘易染膏粱之習佃同葦布力加翰墨之
工妄希科目之華不墜詩書之澤家聲雖寂每思家
學之傳世祿縱榮猶望世科之繼不謂濫叨於秋貢
至勤送上于春官奏賦入明光之宮豈能忘於妄想
出門問長安之道願指示於榮途

賀程侍制知温州啓

宋朱松

伏審甫趨召節亟拜綸恩延對西清雖渴嘉猷之告
偃藩東道重違榮養之求諒惟物望之僉諧豈獨私

片集卷四 卷八十三
悰之欣屬恭惟某官材高國棟望重耆英踐履純明
凜奉身之一節風猷強濟歷盡瘁之百為越從記注
之嚴出總委輸之寄被恩言于三錫素簡清衷席峻
望以九遷待周華貫焉便親輿之養就分帥闡之符
俘狂寇之鯨鯢出遺民於塗炭果膺號召益見推明
陟降殊庭副及席輟餐之歎藩宣外服有擊鮮戲彩
之歡度少惕於名邦卽進嬰于密務某門闌下列鄉
鄙晚生鑿柄不謀了無心於經世斗升自役方苟祿
以逮親誤蒙收錄之恩因有攀緣之意陰虬自躍倘
密會於風雲朽木難雕或蒸成于芝菌永言欣懌莫
罄敷宣

賀徐信州啓

宋周必大代

紫泥封詔皂蓋隨車起簪纓之近臣鎮股肱之名郡
恭惟某官淹該博古端重鎮浮早歷華塗多士共推
於耆德比躋禁路嘉猷屢沃於淵衷暫違兩觀之觚
稜旋畀上饒之符竹民淳事簡顧卧治以有餘望重
資高諒遄歸之可待卽觀共政用罄同寅某繼高躅
於柳營託餘輝於扮社憇棠勿翦居懷召伯之思維
梓必恭遙詠周人之雅其爲欣頌罔旣敷陳

賀太守啓

曾歷戶
刑二部

宋周必大代
漕

大君有命价人維藩塞賈父之帷甫臨樂國詠廉君
之袴已致歡謠恭惟某官雋軌名流儒紳舊德氣浩
然而不屈故每任於行藏名藉甚而益新宜久隆於
獎擢方聖主重牧民之選俾近臣膺分土之榮謂其
日侍於禁嚴可以熟知於德意肆煩者哲來表循良
以秋官議獄之明於聽訟乎何有以版部理材之效
則裕民而可知望之既試於平原汲黯即還於禁闥
某披風已幸聯事更榮輓粟非長正賴旉幟之庇懇
棠在望敢辭原隰之勞欣懌居多喻陳莫既

賀鎮江董知府啓

宋周必大

升華中秘擢守南徐綸綍初頒旄倪胥悅伏惟某官
忠孚霸府譽冠時髦雖廻翔久試於外情而簡注不
忘於上聖昨奉楓宸之對亟參蘭省之班逮出總於
軍儲仍就紆於州紱三年政績方稽虞氏之舊章滿
歲為真姑用漢京之盛典矧寓石渠之直彌增銅虎
之光言念衰蹤密依鄰庇跂棠陰之在望知河潤之
旁霑欣幸居多叙陳奚既

賀連信州啓

宋張綱

伏審光奉除書遠臨巨屏一麾出守暫分宵旰之憂
千里承風已服神明之政恭惟某官才不世出道與

時行養之有源學問窮於壺與發而中節功業蓋其
緒餘粵從清切之班屢屈藩宣之寄遇盤根而必解
恢遊刃以有餘矧茲上饒實古名郡徒得君重載煩
卧閣之能既結主知即赴追鋒之召如某謏陋夙荷
眷存回想石渠恍英遊之若夢登瞻熊軾覺良晤之
有期歡并之懷叙言曷究

賀鎮江汪守到任啟

由內翰出

宋張綱

伏審錫命中宸更符巨鎮旌騎方聞於歷境閭閻已
浹於歡聲恭惟某官德配古人名重當世獻納蚤膺
於皇眷文章獨揆於天庭粵從清切之班屢出蕃宣
之寄以鐵瓮江山之勝付玉堂詞翰之宗風醇而獄
訟不繁事至而笑譚可辦汲長孺之治民清靜信卧
閣而有餘黃穎川之下詔稱揚諒追鋒之不晚顧茲
朽鈍久辱眷知占籍治封正賴憚懔之芘杜門卧疾
尚稽桑梓之恭緬想光儀但增欣并

賀池州葉守啟

宋張綱

伏審光奉明綸寵臨巨屏妙簡西清之列暫分北顧
之憂下車云初闔境相慶恭惟某官道貫三代學通
九流屢更藩翰之勤綽有神明之政矧池陽之名郡
當江左之上游兵火仍災痛創殘之未補閭閻復業

仰慈惠之方深行聞卧閣之功遂促追鋒之召某稟
生甚拙慕德惟深將命在途漸喜封圻之近造門有
日卽詣雲霧之披

賀寶慶李知府到任啓

宋李 劉

錫命蒐符開藩龍邸鄴侯出守衍苦李之盤根召伯
來宣新甘棠之美蔭歡騰千里喜溢四隣恭惟某官
筆橐世臣箕裘家學稟衡嶽之淑氣真磅礴而扶輿
汎濂溪之光風聊逍遙兮容與旣贊星輶之畫又司
天塹之糧所去見思厥臨孔惠自合歸軒墀之供奉
顧猶試田里之循良惟此三湘壯哉二召考姚合之
句誇五雲才子之徐參韓翃之詩詫萬里滄波之勝
矧今新府密邇故鄉汎掃松楸宿春糧而可至綿聯
桑梓畫衣繡以何殊暫擁戟香亟邁圭觀某漫爲佐
貳正託附庸向欣一識於荊州今幸再依於劉表偶
欲叱印竦之馭維隣燭之久分尚或濯滄浪之纓叙
宗盟而後去

賀平江越知府啓

由尚書起

宋李 劉

通班媯閣作牧吳門厭承明之勞出領黃堂之寄游
姑蘇之勝請吟畫戟之詩和氣先庚而已孚歡聲旁
午以交慶恭惟某官飄然無敵卓爾不羣重祿勸親

亦既曳星辰之履大宗維翰乃欲把江海之麾更五
之留甚堅再三之請彌力君陳順我后于內寧煩更
尹於東郊召公繫諸侯之風何害暫分於西陝登以
瀛州之秩試之馮翊之邦月滿一輪虎丘幸甚河潤
九里鳳闕賴之無以我公歸兮恐須袞繡有安社稷
臣者宜在廟堂某全抱迂踈獨蒙賞識燕巢于幕正
有望于捲簾鴻漸于磐今若為而遵渚然感恩正在
于知己則受德豈待於成身使相國賜之相國禮之
則韓愈亦人耳此執事事也執事責也於蘇洵何哉

賀長沙衛守啓

宋李

劉代

疇咨舊弼出牧价藩泰階六符下照星沙之地元戎
十乘大開天柱之雲前茅甫臨金楚底豫恭惟某官
洪深而肅括明允而篤誠魁下三台付榮進於素定
胃中五色補造化而不言由兩地以養恬為二天而
出守辰猷定命聯漢殿以通班甲令著忠盡衡山而
賜履玉麟訢合竹馬歡迎令湘安流使嶽修貢政平
訟理而無愁歎聊寬南顧之宵衣國小地狹不足回
旋即後東歸之晝錦某濫揚前秕幸及戎瓜以望君
如歲之心願言叱馭然用汝作霖之命猶恐追鋒

賀劉守啓

宋方岳

恭惟其官玉篚黃鍾之函和瑤瑟朱絃之挺直蚤策
勲於翰墨乃課最於簿書龍左角爲天田肆陞華於
九扈驂右駢者刺史訖自詭於一麾上若曰古君子
之儒時則入漢循吏之傳以去帝城不遠耳冀潤九
里而及京師然豈君相之意哉乃先一州而後天下
聞有迅召願無疾驅某自守甚迂見謂之拙思昔中
牟之化今已在七不堪之中正復陽城之生亦付之
六太息而已過不自料勇爲此來一用其策之平平
兩書其考之下下有民人有社稷久矣厚顏爲保障
爲繭絲凜乎掣肘公旣至止吾知免夫披雲霧而覩

青大敬志賀履爲草木而思覆露或可逢春

賀瑞州游守啓

宋湯中

恭審鳳詔起家魚書領郡著蓋德星之社夙幸論交
槎通靈漢之津茲欣朔潤輒憑寄鴈寅慶拂龜欽惟
其官精識際天懿文振古典刑是似英英御史之名
家惴惴無華繼繼默齋之酌嗣早騰清貫寢簡皇明
金耀主書旋贊奉常之禮樂緹與歛惠游馳刺史之
旌麾洎棘路之躋聯參稼卿而進貳瓊還可竢鴻去
彌高屬勤宣室之思首蓬御屏之選寵分半竹來訪
瑞芝之雲出無心睨偃松而懷古春如有脚俯翠樾以

供吟襦袴詠歌鼓角謹亮賦成道院信眉父老之相
安主觀禁墀拭目公侯之復始其凄其嚴守父矣懷
歸歛聆盈耳之謠亟飭建牙之賀襟期維舊輝映方
新虞號唇齒之依相望接吟游夏淵源之素尚馬餘
波嚮詠維深染濡則淺

賀瑞州游守啓

宋陳乘之

芝檢頰香竹符疏寵昔居烏幕嘗登名侍從之門今
受滕塵又覩新使君之政未展望塵之拜敢稽賀積
之恭欽惟某官天韻宏深風猷凝遠家傳詩禮學宗
東魯之師門盛衣冠人誦西平之子典刑是似譽處

俱揚

一通籍於金閨通進班於玉筍華參省架謹簿

書文籍之藏班陟社司明禮復樂典章之故自爲丞之
再轉旋出守而一麾六龜方戴於瀛洲五馬又驅於
蜀道卷茲斗壘著此星躔矧今道院之主人來自武
夷之仙洞百萬戶蒙福已聞襦袴之謠十二旒簡知
佇復囊邇之舊某壯行漫仕老去投閑思觚稜之重
游恍如昨夢玩珍臺之真樂頗遂初心託身蒙地主
之恩共社有年豐之樂偶然浪出訪尋坡老之雪堂
久矣懷歸願傍召公之棠舍編摩語淺贊訟情深

賀魏宣州到任啓

林下起用

宋周必大

書頒一札夢應三刀起異時廊廟之宗工付今日股
 肱之巨鎮印符甫至條教已孚恭惟某官華國文高
 經邦道廣溫溫自克如琮璜可薦於郊丘稟稟後凋
 若松柏靡欺於霜雪早翱翔於兩禁旋總攝於三銓
 屢煩仗節之行首定和戎之利帝以勳書竹帛趣滇
 京兆之沙公方志在煙霞高挹浮丘之袂逮宣室深
 恩於賈誼俄延英復召於裴公已勤越嶠之鎮臨更
 屬宣城之藩翰雖云新治時乃舊遊旣民情風俗之
 週知宜德望恩威之素洽暨湯成有一德寧久外哉
 惟說命總百官卽延登矣其夙叨造化喜聽絲綸職
 在兵儲莫展朱轡之雅拜心依鈞播但遲赤舄之逆
 歸欣頌交懷叙陳奚究

賀李樓峰知鄂州啓

宋文天祥

日陞揚綸永輶作屏北斗丹梯勾陳玉檻聯郎宿於
 天階渚宮碧樹巫峽青山迎福星於江夏光稠符玉
 色動轡絲恭惟某官鐵馬行空金虬驚海離離珠壁
 府懸黎垂棘之光耿耿斗牛墟干將莫邪之氣灑翠
 竹碧梧之韻度發清霜紫電之神奇太微二十五星
 旌搖江漢祝融九千餘丈節倚雲霄當驅馳吟遣使
 之詩每慷慨讀出師之表落落襄樊之事會悠悠江

漢之風寒局固一新機神頓聳師垣制勝集忠益而
開誠心帥聞請行從便宜而上方略式承先志孰與
明公乃峻冰臺乃陞寶度練鵠錦之廉車改觀黃鶴
樓之衛戟生風餉高密之師借恂河內詔西平之子
贊度淮堧節鉞合而氣勢張弓矛重而精神壯北伐
歌功於六月中興刻頌於萬年樓船過洞庭旌旗直
下閭闔開黃道袞舄遄歸某方協寅衷喜傳卯詔界
上爭杜衍想共戴於我公方面待垂崖將遂誇於吾
榜行行會弁疊疊賀牀

賀彭知軍冬至啓

宋戴翼

日運璣衡欣際一陽之復星聯麾節茂膺百福之升
式對昌言恪陳善頌恭惟某官以六經澤行四時春
二千石循良方徧作南安之化兩十四州證察又散
為東廣之恩波屬迎愛日之長尤煥福星之彩梅開
春早已報暖於南枝芝檢星馳佇趣裝於北闕某久
席二天之庇欣逢七日之來稱觴上刺史之堂悵無
六翮吮墨奏小夫之牘徒有一忱愧與賀并意非言

郡守摘句

宋李劉

銅虎初分光生漢日玉麟侈佩禮冠隋年 錫命蒐
符開潘龍邸 蟻封試馬牛鼎烹鷄 千騎長人一

摩出守 牙旗鐵馬虎頭素重百城寶帶金魚龍尾
仍通八座 漢虎分符隋龜拂印 拜節江城建牙
輔郡 雕戈皂蓋袞衣繡裳 君夢三刀民懷五袴
魚佩虎符香自凝于燕寢鳳城龍首患何有於鯁
溪 民起來暮之歌公有衣畫之寵 高牙大纛屹
隆屏翰之維今袴昔襦諒借京師之潤 薄分半竹
之符少憇甘棠之蔭 虎頭城下爭為竹馬之迎豹
尾班中催看魏龍之舞 雙旌兩幡頓覺偏城之重
一襦五袴事回寒谷之溫 袴歌今五已逢叔度之
來刀夢昔三允獲王公之贈

賀保慶管牧伯啓

明萬世德

雙旌出守特分微宿之班五馬行春高射井墟之耀
方持籌於紫塞忽擁傳于皇華一路生花十連蒙澤
恭惟某官冰壺清徹玉井淵涵奏賦明光蚤領握蘭
之直度支關塞總專飛粟之司妖氛忽見南陬虎符
急趨東徼隼旟能軼寒帷紆丈二之華鶴傳龜裳入
境擁十千之衆無襦有袴民歌叔度來遲麥穗桑枝
農得張君樂甚某幸附同舟悵違外闕恪修賀牘敬
展願言賢大夫在朝廷豈容去國良刺史守郡邑正
賴得人 不盡編刊 祗深踴躍

賀南昌太守啓

明彭 瑀代

皂蓋朱轡五馬新分符竹青縑白被九霄舊握蘭香
 辭西省之仙曹守南昌之故郡福星甫照瑞映江城
 甘雨隨濡恩覃澤國恭惟其官江左名流斗南傑士
 吐五色之鳳光絢日華奮萬里之鵬快搏風翮題漢
 廷之姓字風流誰繼田郎續晉代之微言名理人推
 樂令緬維洪都夙稱瘠土往大稜之凋疲尚未盡起
 茲頻年之旱潦頗復相仍望歲者閔閔而盼雲霓待
 哺者嗷嗷而呼庚癸帝念二千石之任於民最親衆
 選廿五星之英得君為重遂使斗牛之野真人叶上
 於太丘豫章之虞禮士再瞻於仲舉彼撫字催科既
 不憚勞而諱拙則昔孺今禱自將以有而易無雖曰
 一郡得賢實為萬物吐氣某身非徐穉夙承下榻之
 知識讓任崇愧乏當門之諷徒以竊升斗之祿畜維
 一樊乃未奉咫尺之書遺魚千里視騎竹以歡迎者
 已有而惡矣即鞭蒲以示罰也可勝誅乎茲假使郵聊
 申積愆故鄉無際地雖遠隔馬牛大厦可依心實慶
 同燕雀仰惟電炤曷任水兢

賀程信吾太守啓

明蔡復一

持橐筭狐舊識排闥之事業行車麥秀新開露冕之

威儀春忽到於薜蘿夢遙瞻於丘壑恭惟某官丰神
標令望實輝華學攬九流于星文於有象胸吞五緯
補造化而不言爰蜚杏苑之芳卽總相臺之峻批龍
鱗而定國是日月賴以昭回戕豸角以觸官邪山嶽
爲之震動解中執法拜外牧臣白筆暫韜於樵漁蒼
生爭問其出處江湖卧穩久得田里之身天地恩深
重披纁蒲之詔謂合歸銅龍之供奉顧試竹馬之循
良在帝不忘禁闥之虛惟天實造溫陵之福借長孺
於民吏寧滯淮陽倚望之以公卿姑先馮翊昔馳除
命燕鵲款款其懷音今奉恩光草木欣欣有喜色行

跨龍華勇於漢史載續召畢於周書其少抱深心拙成
惰骨不量人之非古妄欲追尊繪之蹤何幸政之方
新竊與聞襦袴之頌敢希下榻殊慶受塵獲從野老
之餘皆是邦君之賜慚羈病屐喜奏俚絨想民勞之
可康無虞魴赤念公入之伊邇欲賦鴻飛觀游刃肯
綮之間聽曳履凝嚴之上

賀陽生白太守啓

明蔡復一

漢郎占宿分來褰幃之星楚客賦風攜作隨車之雨
襟期惟舊陰映方新睠泉郡逃矣波臣稽圖經昭哉
文獻醜含之素削繪葱菁橋讀忠惠之碑蹟伴峴首

祠拜西山之火社軼桐鄉至今稱君子之是邦曰昔
事大夫之賢者譬如鳳過鼉輝猶施於竹梧何幸麟
儀春澤旁濡于蠱草名儒親見仁政彌光依韓榜之
獨榮受滕塵而相賀恭惟某官孤標頌摘清韻紉蘭
練鶴摩霄塵外凌虛承露之高掌金虬驚海仙中貫
月泛斗之靈槎風流宿挹於含香治實試徵於遊刃
銅魚剖佩和氣先庚竹馬迎輿歡聲旁午方且瘦防
多牧鋤稗吏之害苗靜悟烹鮮扇暍人而息械蝗赤
黑以皆遁鹿斑駁其來從矣某燕市聯鑣初訂戴笠
之揖彭城綰帶重溫盟站之寒一字拔才慚子尼名
入太守兩言書考喜道州志遇清時步屨村村應誇
新尹綈袍戀戀敢望故人指榕樹以歌棠托江鴻而
繫帛故鄉無際地雖隔乎馬牛大厦可依巢竊附於
燕雀願言杲日照此丹誠

賀姜同節太守啓

明蔡復一

天迴露冕耀江南之福星地擁颺帷灑海濱之靈澍
色欣閩嶠聲涌燕雲恭惟某官鐘鼎名家璠璣雅望
表倬倫於同被兼擅文鋒徵匡世於鈞璜更推少穎
萬事水流而不競孤標山立以難移嘉石棘木之平
論先尚德金馬碧鷄之使頌侈得賢何幸泉山獲依

蟠蓋披裳問疾垂愛景於陰崖懸鏡燭幽湛清霜於
萋草白鹿游而夾轂丹鳳下以臨城遂使雙塔岩巖
金焦在望三安雄麗吳會同風寶蓋飲清冷然任君
之水刺桐交蔭宛爾召伯之棠虹橋配忠惠之永思
巖碑接西山而堅勒矣某攀爽鳩一日之誼尚阻瞻
眉聽劬鴻萬戶之歌聊同鼓腹屢欲棲於賀燕門倍
跂於登龍饑飽粟囊暫托空曹而偃蹇先今襦袴笑
分故國之帡幪飛羽遙將結思先往

賀蔡五嶽太守啓

明蔡復一

六螯運鈞手開海嶠之雲五馬班春身作泉山之雨
遙薰和氣已鼓先聲稽郡刺史之多賢惟宋忠惠之
最懿橋鞭秦石似接清淺於蓬萊社配庚桑猶感謳
歌於孺子其深仁不朽業留循吏之思然著烈彌高
有煒名臣之傳占公侯而必復擁父老以俟蘇恭惟
某官炳緯列星靈襟五嶽筆端藻火舒四照於文林
皮裏陽秋澄九流於心鏡神清桑苧之茗暑月懷水
韻美箬溪之醇霜年挾纊屬鍾山久推謝傳而漢室
欲試堽之遂借朱轡特臨赤社修荔枝之譜水舊遠
乎壺蘭撫刺桐之城雲更生於寶蓋低徊香火重見
異人擘畫山川一新往事使是邦有前後蔡之頌矣

唐史云大小鄭之名抑希韋之季易波豈鄒魯之風
難挽學繡鞶帨而自得則踈家儉蓋藏而相師日侈
崇讓尠追於劉實問佞或歎於顏舍此識者私存廓
革之憂而憫然聳觀下車之化宅寧鴻鴈軫小民之
農桑庭黜陽鱗從先進之禮樂在公善世非俗吏之
所能為異日立朝宰天下何以易此其偶成小草誤
棄鈞竿新蔭耳棠歡聞襦袴子民敢附於公姓楚客
倍感於越吟聊鳴賀履之音兼寫受廛之喜紫茄白
莧想自種在齋閣之中枯篠焦桐冀相收出管絃之
外染濡雖淺嚮詠惟深

賀秦道吾太守

明馬朴

五典佐王績茂握蘭之省一麾出守寵新剖竹之符
天福襄荆地輝河華恭惟某官才高幹國器重聞家
藻振丁年芥拾甲第立西曹而司臬蜚臯陶淑問之
聲行南國以祥刑布虞舜好生之德欽哉惟郵旣致
理以例成敬敷在寬仍擾民而參化計艱軍國常虞
利刃之投司劇版圖獨裕芬絲之理燁燁雙龍來于
帝闕駢駢五馬出自神京鼓吹整歸鄉里羨書遊之
錦襜帷旋起閭閻歌夜作之襦行將徵拜還朝且看
勛名題柱其幸聯梓里願識荆州頃迂隼熊旣艱倒

疑茲伏犬馬猶阻樞衣殷勤之款未申嚮往之私徒
結是馳慶續用展賀棕明月無因雅遂巡于按劍青
雲有志遂欣慕于執鞭

賀岳州胡太尊啓

明王兆雲

虞廷亮采治行莫重於有邦漢室循良相業必先於
領郡恭惟某官東壁西崑洞丘墳於武庫騰蛇起鳳
駕班馬於詞壇聊展會計之訐謨用培國家之元氣
帝眷荆岳而重上游遂借仁賢而降新命才兼文武
端如萬里之長城身任安危庶措四民於衽席豈直
擁鳥鵲於轂下行將集彩鳳於城頭某毛羽未成曾

切傾企之悃肅將繭素用申葵藿之衷

賀郡守梅公啓

明陳王庭

坤輿列鎮舊推江右之雄王國選侯暫屈吳中之彥
甫先聲之入境已和氣之滿城麾幟精明旄倪歡抃
恭惟某官承天柱石挈國舟航文章麗春藻之華名
譽散秋蘭之馥筆下有千鈞勢雄生鐵騎之風胸中
無一點塵清湛金莖之露天不虛生于龍種人皆想
見其麟儀頊者一札塗芝半符分竹隨車甘雨喜逢
聖天子之循良連路福星快覩新使君之渥澤滕王

閣下烟然秋水之無波孺子榻邊盜矣春陽之有脚
百萬戶鼓舞頻興襦袴之歌十二旒簡知行見金甌
之兆其快聽鸞鳴曷勝雀躍一麾薊北禁中之頗牧
何人五馬江南郊外之龔黃再見鬼官月皎已知光
采之無私燕谷冰寒尚有陽春之早到仰祈丙鑿俯
切寅衷

賀廬州張太守啓

明諸葛昇

星輝金斗遙瞻五馬威儀霞綯玉符增重入公氣色
藉在璧光所照均茲厦蔭為榮祇托郵風輒干巖電
恭惟某官天池鯤運王屋鳳騫鴻猷懋著於考堂駿
譽宣騰於起部一麾借鼎靈徽浮海之槎三輔褰帷
惠灑凌霄之樹忠定公稍稍爾不俟五載而信成元
結葦落落然已知萬物之氣吐某釋釣嚴灘執鞭孔
道邑如斗大幸依東藩千騎之雄喙且尺長夙貯南
豐一瓣之敬徒矚九霄紫氣揣骨非仙莫倍半畧清
光覺形轉穢情自知龍門之陡峻賀敢隨燕尾之差
池仰鑄洪鈞鐵以頑資而亦化俯垂汪茹葑鮭下體
而不遺

賀兖州劉守啓

明李沐民

恭惟某官鳳麓儲精鸚洲毓雋占金閨而通籍聲動

京華趨玉陛以承恩亟參魯國展布弘施於驥足經
綸茂著夫鴻猷久道化成棠蔭陰聯岱岳深仁澤洽
恩波流溢泗沂泰寧之治行稱循雙龍簡命魯交之
勳名報最五馬標奇廷嘉社稷臣再試望之於馮翊
帝重股肱郡卧留長孺於淮陽紫綬金章光映霓旌
之色朱轡皂蓋和蜚畫戟之春某夙荷旃幟馳戀情
牽乎兩地近勒瞻仰翹企報款乎二天喜際鶯遷肅
申燕賀

賀徽州楊太守上任啓

明戴新

紫極分輝繼輔倚專城之重黃山謁瑞屏藩推畫戟
之尊德素洽於人心位特隆於帝眷歡騰朝野運際
雍熙恭惟某官河漢炳靈斗山超望月掛峩嶷而朗
耀彷彿風儀江迴濯錦以漣漪依稀文藻人間利見
真同威鳳祥麟天上嘗聞每現箕星昂宿姑植苜蓿
于兩浙猶存蔽芾山陰繼施惠露于三湘已致澄清
雲夢內而熙載久著平成外則循良暫煩彈壓攬六
絲而行部旋即三台擎萬里之層霄惟憑一柱某學
落不植器宇無竒幸共粉署以聯芳得藉朱紘之清
響覩金聲而玉振沾霧潤以蘭薰久深雲樹遐思忽
報星輶賁止喜作隣封編戶桑梓連陰欣登樂土春

臺閣間接壤有懷對月柰匏繫于海壖極目長天惟
心懸乎台座薄言采泚少申燕賀之私聊以抒誠用
代鳧趨之謁仰祈台鑒俯賜莞存

賀洪太守擢守台州啓

明徐 燏

瞻台借彩荒圻分未照之榮向若觀瀾下邑竊洪波
之潤仰希刑範幸式羽儀恭惟某官天朝柱石藝苑
鑑衡納于大麓而風雨弗迷試之盤根而鋒鋸無損
憑畫熊之軾世稱吳越龍蟠與分半虎之符朝重東南
保障瑞麥歌用擊壤汗萊登滿新田玉洞駕虹梁飛
瀑瀉水壺之水赤城齊斗極明霞建天柱之標誠七

閩一路之福星兩浙百寮之師表也某么膺小枝此
竄庸流枝借鷓安自揣每深鰲戴并拘鼃見寧期獲
與豹窺念台駕涖閩之時棲棘始基于百里當部民
借寇之日蔭棠深庇乎二天自愧韋衣遂睽雅範叨
投雜佩忝竊餘光藉若木少展葵傾望膠枝彌塵鳶
附不忘跋履敢希念故之私倘見微瑕願賜成風之
斲伏冀休嘉駢集寵錫交臻追電絕塵顧影許蒼蠅
附驥嘯風動谷乘時資赤翅吟秋謹布芹私聊抒菲
獻仰祈台鑒頌賜炤存

賀漳州太守李公啓

明連繼芳

十城南國黃蓋分輝三楚上才彤幘耀彩旄倪為之
舞并條貫自此昭蘇恭惟某官金莖瀹露玉尺懸冰
鞭駕鳳凰翔千仞而上號呼山嶽隄百川之東咏岷
岵一日不換三公舞萊衣雙闈促歸六翮抱丹衷而
逸雲自無心動蒼生之謠天為啓齒時人慶其大用
識者慨其已遲太史新占看福星之照女部民夙仰
遇甘雨之濡霞朱輪及郊吏生寒於九夏清風嗟物
人公暖於三冬陰俱閉陽俱開徹湖山千里之外訓
如父愛如母來府君百姓之歌快覩德政之新樂觀
教化之浹其門藉棠陰寄緣匏繫莫惜方寸地嚴侍

玄霏敬操盈尺箋恪將赤忱微芹馳膺采菲知榮

賀羅守啓

明連繼芳

恭惟某官一麾佩日九里潤河典大州必選臺閣之
臣守上國化比齊魯之俗闕北新捧雙龍宰相陪洛
濱之騰圖南載馳五馬廣州賦夷齊之心覲臣真有
社稷動屏風紀乎姓氏聖主再試股肱郡草木熟乎
威名公昔去兮舊政猶傳父老公今來也先聲已振
山川劉守方選大錢郭侯又迎竹馬景星在望幸不
隔于光華愛日煦人恍若親乎暄霽

賀撫州蔡郡伯啓

明金璋

地官推首僑設帳薰香天子惜高名臨軒受瑞貽紫
帽於華蓋擁黃堂之朱轡歡集童迎快瞻幼學恭惟
某官靈橐九溪之濬秘開十翼之肩赴鵠而中必疊
雙含雞每賞其清俊年支歲計公雖不析秋毫惟實
與平吏輒畏如夏日既以天津之菜色入叩九闔旋
以陽向之葵心出芻六邑時方切去思於父邵遂亟
歌來慕於母陳何意介甫之故墟屢被清源之餘潤
鄉也使君掌邦計人知朝廷之征利寔寬今也使公
為府右又知明聖之顧若尤急誰謂京師遠只在于
三尺階信乎刺史賢可福彼十萬戶看紫茄白苧依
然盈庭而瑞鳳祥麟旋且集境矣維桑繩技華邸

驚驅傾芝宇而調饑竊李光于遠忘小子之簡聊
效蟲螻事大夫之賢敬申燕賀結采繩壤采菲知榮

賀福州張太守啓

明謝肇淛

漢竹分榮千騎擁專城之重召棠席蔭萬間叨大厦
之依震地歡聲遙天紫氣恭惟某官娥江毓秀禹穴
探竒胸次吞五雲空盡燕臺之駿文章通三昧早登
魏闕之龍折獄引經朝重雋不疑之學術發奸摘伏
人傳趙清獻之公忠惟茲海嶠之小邦夙稱都會之
重地波濤未靖時傳海上之烽煙水旱頻仍暫脫中

涓之湯火惟帝念黔首孰撫百粵以紓憂而廷推白
眉遂借一麾而出守于旄遥蒞即山川草木無不騰
歡號令甫施雖壁壘旌旂亦皆變色此政襦袴與歌
之日而鼎鉉虛左之徵也某分屬編氓迹羈遠地竊
斗升於畚鍤時私淑君子之光望咫尺於關山未能
從父老之後敬因歸省之便祗陳積悃之私五馬行
春情倍深於燕雀雙魚表悵鑒願及于蝓蠓言不能
宣神與俱去

賀郡守覲回

賀金太尊覲回啓

明吳明郊

最奏楓宸江左治功第一慶深梓里天邊福曜重臨
未能騎竹以遙迎特敢肅械而上賀恭惟某官執緯
儲精岱華孕秀花城發軔大展驥足茲才版部運籌
旋沐螭頭殊寵更分重地獨任專城菁莪聲起于膠
庠棠樹陰敷于閭里靈龜左顧鑄金印而瑞應先聲
神雀東來馳玉詔而恩褒善政欣見彤庭入對加長
者之言更喜畫一重驅遂借君之願某屬在編氓謬
叨薄宦困亂繩之乍理未隨驥尾以趨朝聞榮戟之

再臨莫覲龍光而晉謁迴看五雲故國敬申一簡崇
臺臨風踴躍歡生父母之邦依斗翹瞻冀聆龔黃之
教倘不瀕于負餽俱仰賴乎提衡不盡寸衷雖憑尺
喙祈恩垂大厦之庇卽感同滄海之深

賀許太守啓

觀回

明連繼芳

萬國載歌采菽三接康侯十城流詠其棠重來召伯
山川起色寮案馳瞻恭惟其官宣猷桂嶺述職楓宸
天部奏循良伯仲若廊旌卓異龔黃九重念切邊方
視粵爲股肱之郡萬姓命懸宸慮借寇隆社稷之臣

賀郡守加銜

賀陳府尊啓

加憲副銜
仍管部事

明王德乾

夫古良二千石政平訟理無歎息愁恨之心任滿秩
遷有感激攀援之意若賴川借轅于寇翼東邵隨車
于耿純臨淮卧轍于君房齊州絕橋于子固衡陽邀
馬于向老夔府越境于龜齡雖慈母之戀甚殷奈神
君之行難止僅一曾叔英者民譁乎太原初擢帝許
其天水仍留而未覩加銜奚風異績恭遇某官卓哉
循吏功則賢刺史未有之功赫矣簡書眷亦聖天子
非常之眷旣念公也業已三年報最亟晉憲臣又念

湖也不忍一日遠公仍煩郡事蓋君侯之德意無量而精神命脉獨注此邦故主上之輔席方虛而夢卜人情若私吾土憫暫離而無勞天覲需久成而重假霜威檄到五湖清遠之山川生色恩綿七部喧闐之煙火揚眉其編戶賤氓于鄰寒博先君祀月泮名筆吹噓小第令星沙芳規指點且以芻蕘之子列于桃李之英遙戴舊恩隔龍登而惆悵驚聞新寵申燕賀以歌謠願爾仍雲翩然惠露謝安謝琰謝萬一門來下菰之思義之坦之獻之三世起中若之守

賀郡守禱雨

賀趙守禱雨即蔗啓

宋劉宰

伏審憫雨惟勤籲天有請雖此邦之遇旱比及三年而其澤之應祈不俟終日竄聞異事盡揜前聞端以某官愷悌存心中和布政視五穀之不熟猶已饑之自三日以爲霖其禱久矣故爐煙之甫炷即協氣之橫流不我後不我先油然作沛然下某心馳府上身絆田間亟趁朝餐驅耕牛於麥壠更祈夜月無吠犬於花村時邑境多盜

年之蠖屈羨九萬之鵬騫寧媲美于渤海穎川將圖
形於雲臺麟閣其巖廊朽質泉石陳人夙共事於冬
曹部務隣工數載並資匡助繼得返於初衣西湖同
水十年兩辱過從促膝論心間及往事不啻談虎貽
書敦舊頻承厚念未效報瓊居常於同心而願望彌
殷及今逢大度而歡抃無極黃堂在望暫阻危趨赤
牘遙陳恭申雀躍伏願台階滄陟帝眷滋隆踐要履
崇大副疇昔之望投艱肩重盡展平生之猷

啓雋近體卷八十四

類四九十六

東吳俞安期羨長彙編

上饒王嗣經曰常同輯

建武鄧漢遠遊訂定

郡僚部二

賀郡守生辰

賀李鄂州生日啓

宋文天祥

暢月先春福星初度朱綬錦艾聯赤壁之六絛蓬矢
桑弧絢紫微之五色玉籌吐醖繡紱生輝恭惟某官
風骨清剛精神大耐仙人駕黃鶴色照渚宮老子跨
青牛氣浮函谷壽八荒而哀福律九寸以迎長榮陰

照响嶮之峰十分翠曉桃影近蓬萊之水一朵紅雲
其夙分碧落之香遠認瑤池之色一車以南一車以
北軫軫相望千歲為春千歲為秋心心持壽

賀湖北道李斗初生辰啓

端午明祭復一

平秩南訛乾坤之大寤惟午攬揆初度山嶽之靈吐
生申淑景古今貞符人物時離明而相見白夢吞星
月姤遇以偏竒玄風指樹緯茲文采彰續命之嘉徵
沐彼芳華應淬朝之吉象况節原誇于楚舊而弼正
賚于商賢以楫濟川坐閱龍舟之渡如霖收旱立清
鶉火之炎芘藿則草木俱靈無庸翦虎食甚而羽毛
懷響不假烹臬地撫花源露桃即瑤池之實霞封鴉
井丹砂化藥竈之金杜陵有言方開壽域屈子可作
應妬昌逢矣爾乃蒲欲浮尊便招獻觴之鶴艾兼結

佩還映披紱之麟絲五色以辟兵鏡千年而鑄祉九
子標粽胤華祝之多男百神護符閱僊家之授錄峰
雲殊異清簟冷浸琅玕圭口正長綺筵光浮琥珀誰
儷雙美獨擅作朋所以德音茂而光邦紀綱燕而及
友者也豈特長而扶戶田文班在四豪老於登朝胡
公理其萬事已哉某同里聞充閭之瑞聯家托照隣
之私青牛昇書雖漸關尹大鵬作賦或感子微蘭葉
幾花香湯聊遵乎禮事冥靈五百固帶并祝乎莊春

賀郡守五十初度啓

明田大有

為民立牧國家重藩屏之司作善降祥君子履亨嘉
之慶蓬弧瑞藹市時歡騰恭惟某官雲月丰標江湖
襟度赫聲藝苑沈酣鄒魯之圖經脫穎棘闈震豐淮
揚之草木早鳴琴于花縣遂握篆于專城思守位惟
貴乎仁還定勞來更極其至謂人情莫不欲壽安全
長養曲盡其方惟訟簡而刑清故民安而物阜德愛
既洽于有衆天休自進于無疆瞻茲月次林鍾正值
冀開兩葉節逢令誕運際昌期視素王學易之年允
符其數方子上讀詩之歲纔踰乎三熊軾虎牙益隆
五馬之貴童顏綠鬢殊無二毛之侵爰酌天時大開
壽域沛傳巖之霖雨頓除六月之炎蒸奏虞舜之南

薰丹見三春之爽醴蓋萃數百里喬人以作父母將
合萬六千歲而為春秋伯玉之知非斯為下矣買臣
之畫錦豈足多乎某退栖林莽久沐鴻私幸值佳辰
陪深雀躍敬致三朋之禱特陳一得之愚雖才謝奚
斯莫克模其形似而意同擊壤聊以罄厥微誠伏願
虛以持盈終而慮始竭忠貞以壽國脉贊一人有道
之長矢謨畫而奠黔黎遺千載無疆之惠雲仍繼美
接踵于三槐金紫褒崇聯翩乎八座事所必至行且
見之理有固然非為佞也

賀陳太守誕辰啓

明馬從龍

元陽道長清宵絢震夙之華一德儲英名世啓蓬弧
之瑞對昌辰而茂協慶衍湟源際壽域之維新輝生
嶽麓屬誕開於初度肆節踰於端陽漢署名郎華劇
羨神仙之侶唐家刺史風猷起公輔之期展黃閣之
雍容欣逢懿燦擁朱幡而奕麗暇備純熙澤荷燕山
丹桂首五枝之茂花明洮谷仙萸舒九葉之榮黎庶
歡揚朝堂恩注某叨聯寅案祗驅隴阪之車遙望丙
光獨阻瑤池之宴敬具菲儀虔申喜頌

賀張浩宇太府啓

壽旦

明唐文燦

頻年握篆湛恩久洽于中都穀旦懸弧瑞彩乍呈于

南極豫報百齡之遠兆漸凌三壽之崇班色動黃堂
聲騰赤縣恭惟某官以海內之真第一流為江北之
良二千石行能並著華實相符提身潔擬寒氷接物
温侔冬日趙張事業燕許文章惟人和足召天和故
福澤必隨德澤月逢建子時令生辰承長至之陽輝
昭融有倣應正圓之景象威滿無虧紫綬映朱顏不
但擅高標于少俊丹書徵皂蓋猶將膺大仕于老成
姿如柏以經冬齒似椿而閱歲曰艾曰耆曰耄耄綿
綿然累素增壽為卿為相為公孤勃勃乎超資躡席
弘濟八荒于壽域未升萬類于春臺文定後身旋即
紹調羹之偉績留侯餘裔未湏追辟穀之希蹤蓋君
子繫邦家之基延命迥殊士庶况吾人統宇宙之事
積功奚羨神仙某敢署從遊挹鴻儀而已舊瑣員托
屬占鶴筭而方新知遇在衆僚之先禱祈踰常禮之
外雖欣聞夫公舉附掛姓名尚欲展夫私懷尊披疏
記片纁片綿聊供一品服之需雙燭雙鞋併致千年
觴之侑獨既職縻而勢絆躋堂難効夫幽風且慚務
冗而思枯飲泮未賡乎魯頌伏希鑒悉姑賜涵留

賀張大尊生辰啓

明諸葛昇

恭惟某官昴宿應圖薇垣據席參和寬猛政標三輔

之奇舒卷陰陽德備四時之氣醫國方懸肘後稔貽
若救於豐年照人鏡鑄胸中苟滿么荷於法宇南淮
高岳牧之班西蜀司戎行振夔龍之武以所春
臺千里見瘼軫而部屋氛清柳亦壽域八荒仙藉登
而蓬萊沙淺時維大箱萬彙昭蘇星覽揆初三朋載
錫鳥銜花至龍車賁自龍鄉鹿繞車行麟紱輝於麟
甸銅狄稽而婆娑駐世金甌覆而容與趨朝某禱朽
難雕浥河濡而潤暨椿靈久對瞻海屋以籌增知遇
在衆僚之先祈禱踰常情之外

賀張收伯生辰啓

明

子開天統申降岳神君子道長之時良弼帝賚之會
方領群仙于天上忽瞻一佛于人間恭惟某官胸著
千秋目管四海卦逢平復始見天地之心陰遂乎陽
方亨豪傑之運值天真若誕三生之日遇廣成子紀
千載之辰丹轂遐齡朱顏妙藥夜稽乾象角亢飛落
公堂歲比坤元甲子謾誇絳縣其一盟通籍千祀同心
鯨飲賀尊稱兕觥于玄酒珠聯壽語祝鴿調于黃鍾
有秩鴻禧緝熙鶴筭考並汾陽歲月年齊文潞春秋

想見克間佳氣柰羈岸役恍聞載路歡歌狂喜發而
誤書弄麈微虔修而少申賀燕伏願振振螯螯詩味
螽斯子子孫孫書稱啓佑文聯奎壁世科傳一甲以
彌高武接薇垣門第揭千秋而獨威

賀許牧伯啓生第
五子

明連繼芳

恭惟某官鈞陶萬彙郭郭百城化化無窮生生不已
時維陽月堯堦開十二葉之莫景值良辰燕山抽第
五枝之桂大人占五熊開導太史奏五星聚奎一曰
五行九曰五福始終含龜洛之靈地生五岳天生五
材俯仰稟乾坤之秀主連手植又種三槐薛家羽毛
再添雙鳳擅丁公之世美兼伊陟之象賢二千石逢
年宜爾子孫之蟄一二日初吉赴公湯餅之筵

賀張牧伯啓生第
六子

明連繼芳

風雨九天麟獻君家頭角能籠彌月鶴呈人代儀刑
歡鬯懸弧英揚跨竈恭惟某官噢咻萬彙卵翼十城
時維三秋日之初吉乍有塗山之娶實覃載路之聲
僅少荀氏二龍已倍薛家三鳳步趨四乳八士之威
歲穡七劉五董之間種玉樹于名園芝蘭成藪懸星
垣于上第奎壁聯珠民頌府君應叢弓冶之子都稱
父母豈儉宜馨之兒試聽祝于華封人多多益善載

卷八十四
賡歌于冬
靈鳥行看池上羽毛千里神駒卽此渥洼汗血

賀郡守生孫

賀郡守生孫啓

明史鴻修

斗極垂芒紫氣繞龍飛之甸長庚吐異赤光啓麟定
之祥綿胤祚於萬年毓英賢於此日黃堂瑞藹赤縣
欣承恭惟某官一德格天九疇歛福應見龍於楚澤
屬九二爻之昌期儀威鳳於虞廷當五百年之名世
彌綸參贊直舉一世而甄陶位育中和已登斯民於
衽席沛濟時之膏澤環江淮千里共歌化洽神鸞敷
經世之勳猷盡黎庶萬家祗見嬉如野鹿福貽民社
慶衍邦家人和斯會天和咸頌公侯之必世國瑞毓

為家瑞果符豪傑之挺生奕葉重光桂室叶熊羆之
夢孫枝啓秀蘭房翔鸞鷲之輝矧地當豐鎬之區知
王氣特鍾於佳胤而象應離明之位卜顯名大著於
文章預識英物之非凡今見聖童之丹出鶴齡自集
曲江之閎閱彌高玉燕投懷僕射之家聲愈振祖孫
濟美即看四世三公堂構貽謀共慶千秋一日某鉛
割庸資銅章下吏祥開繫綬羨五老集聖系之庭秀
應生枝喜一佛出人間之世私衷亦躍遙瞻鳳集以
興懷吏事紛紜擬效鳧飛而莫遂敬庀人忱於燕雀
聊申頌祝於麒麟

賀張太尊舉孫啓

明諸葛昇

化洽鳳郊斗北綸飛金鳳仁符麟趾天南綬繫石
麟佳氣克閭歡聲載路恭惟某官靈湘萃異申嶽誕
神心同天地好生慈撫祖宗湯沐政成南國而誰嗣
興歌望恆東藩而多男應祝鈞樂遙聞碧漢香雲繚
繞黃堂叶夢熊羆蹠龍媒之有種傳芳鸞鷲翔翔
燕譽之得人倘溫嶠聞聲知為英物試誌公摩頂定
擬骨神顏開今日含館額命他年峙玉某恭聞鵲報
敬効螽蟄不覺喜狂錯寫弄麤之字願言光顯益高
容駟之門園賈茂茂聊供製椽溪毛采采用奏薦湯

謹肅左方統祈上鑒

樂黃堂和莫... 興海望... 新以同天... 麟... 外谷鳳... 天南... 賀太守正旦

賀太守正旦

元節附

賀太守正旦啓

宋蘇軾

葦桃在戶... 在時為泰... 迹雖淹於外... 彙征之福... 盡

賀趙婺州正旦啓

宋李劉

玉律導和氣... 與國同休... 與國同休... 與國同休...

近尺五之天旒旂有爛方千里之地襦袴已温某濫
綴橐班阻趨戟衛三朝受四海之籍肇啓上儀公荒
轉一氣之鈞佇觀歸衮

賀王常州啓 元旦

宋李 劉

日出嶠夷曆紀孟陬之月春回陽羨祥開刺史之天
恭惟某官德體震亨道隨泰長將明賑貸之議猶已
饑民奉行寬大之書當自有歲鴻鈞一轉驛召載馳
某久矣凋年見此芳歲變則通通則久願體君子之
四時仁者生生者圜茂享太平之五福

賀台州常守啓 元旦

宋李 劉

日在營室肇新太史之迎霞起天台茂介元侯之祉
恭惟某官布中和之政行寬大之書維斗嶷龍表少
陽之用事俾民觀象驗正月之始和君子履之天休
萃止某退然厄閨見此芳辰道阻且長愧長稱於椒
學年運而往只擬學於桃符

賀薛太守啓 乙酉 元旦

宋李 劉

乙漿得酒之占歲仍在酉轉璣窺衡之驗斗又建寅
幸惠仁侯求膺多福恭惟某官氣鍾温厚政布中和
有脚陽春享人生五馬之貴細檀廣夏佇河東三鳳
之來暫凝畫戟之香卽簇青旗之仗某陳人何用新

丑焉依舊綴荀班固已借天街之潤茲鋤菜把詎敢
忘地主之恩

賀温州施守啓

元旦

宋李 劉

魯觀占雲周正紀月驗陽律鳳鳴之應符凝香燕寢
之祥恭惟某官政爲吏師學有家法召棠所舍迎化
日之舒長燕忝旣回揚仁風於黎庶宜裒多祉以對
休辰某濫綴朝行阻陪賓謁碧油紅旆願加意於頒
春紫詔綠綈猶傾心於賀夏

賀太守正旦啓

宋林豈塵

龍躔布朔正一元於七十二候之初鳳曆授時謹五

始於三百六旬之首惟賢人之順履符泰道之吉寧
恭惟某官道直以方氣溫而厲播千里循良之政宣
九重寬大之條薰然和氣以襲人煖若新陽之煥物
五百年間世行應君明臣良之期二千石班春宜介
小往大來之吉某奔走下僚棲遲大庇椒觴薦壽慚
慶謁之遲寒谷回春正吹噓之有待

賀郭贛州元正啓

宋人

天行有信養生開闢以爲春神聽無私正直靖共而
獲福豈謠頌已騰於四境而壽祺不介於三朝恭惟
某官剛方足以發晉樽辯博足以重漢席仁心素著

何待放邶鄆之鳩智慮所加猶能覆荊州之雪一吹
暖律盡滌凍塗萃衆美以在茲紛多祥其焉往行陪
劔履直上星辰

賀通州府年啓

宋方岳

閭闔開黃道聿新鳳曆之元燕寢疑清香誕輯虎符
之瑞春融簇管頌浹椒盤恭惟某官氣函玉燭之和
識造璣衡之妙昔無襦而今袷汗青遄紀於竹書言
如絲而出綸泥紫已塗於芝宇地天之泰朝野所需
某三見姬訾一歸塊比雲深戟衛諒鳴璆蟻泛之春
日轉觚稜覬銜珮鷄人之曉中和之詠熙皞惟均

賀趙直閣年啓

宋人

漢殿受圖禮隨時正候藩謹朔德與春回伏惟某官
慶襲仙源學窮聖闔屢屈分符之寄益恢拔薤之規
占歲事於八風方勤勸課拜宸恩於三接佇躡清華
眷此衰遲久於庇賴莫遂舉觴而獻祝敢忘削牘以
馳誠

賀廣德知軍啓

宋張文潛

星回于天既發春而獻歲帝出乎震方去故而就新
天時於是更端賢者受其介福恭惟某官風猷強敏
道義深純度越衆人獨立一世烏臺彈擊鼓千鈞之

卷八十四
弩而發機山郡刺裁持屠牛之刀而破蟲惟其道用
煥然日新俯同世人仰受天祿

回衢州孫守啓 元旦

宋李 劉代

頌象魏之法仗簇春祺凝燕寢之香服先夏甸時維
竹使天錫茨禧恭惟某官躬綰左符化行右翊暮年
而變莫不頌而歌之諸侯之風未有速於此者有開
鳳曆會出鷺喬某束緼力微盍簪願切建牙開府阻
斟酌於椒花上齒習鄉猶經從於棠蔭

回安豐史守啓 元旦

宋李 劉

候一氣於葭莩曰為改歲望八公之草木更與頌春
恭惟某官世濟壯猷躬行仁政地控壽陽之阻莫重
安豐天銷固陰之凝已成交泰宜屬始和之吉益臻
諸福之祥某欽承履端缺陪旅賀上林鴈過先勤繫
帛之書下蔡馬肥願懋杆城之績

回廬州王守啓 元旦

宋李 劉代

天回北斗新太史之授時地重南巢慶无侯之受祉
恭惟某官三槐襲組半竹分符虎豹之皮和戎既寧
諸夏鴻鴈之民安宅咸與為春一氣始和三靈錫羨
某無由捧爵還復烹魚分北果之甘芳又勤實能愧
華之塵土僅有空函

其無由奉福

其真也風之刃安

恭非其官三賦

天回北平

回憲州王

帛之書不

請辭之

安

賀張東山太守年啓

明蔡復一

懸象布邦國之和事有聞於周典酌兕稱公堂之壽
 情敢附於豳風慶動溼陬抃依轡蓋恭惟某官天光
 炯朗元氣灑涵三略佐時家受留侯之黃石二京揆
 賦人推平子之玄緹露冕初屆於江干斗柄一新於
 星紀凡惠文之所彈治肅乎果陽之伏群陰若膏沐
 之所煦濡藹然條風之扇庶物寧惟衣褐卒歲夜闌
 絕吠月之驚從此禾黍豐年春疇富耕雲之樂梅開
 堪妬勝翻憐宮翦催花桃綻欲侵符競事辛盤傳菜
 儻非郡有賢守之賜安得身在太平之遊某獲拜寵

檐猶稽香戟山中無曆方寒盡以忘年宇下有春忽
律回而知暖榭爐燒葉自信生事之寬椒盤導漿隨
分韶光之好托廢莪之餘息全戴崇甘酬吹黍之仁
風聊將芹苦枯桐離嬰敢云今日之蔡邕嫩柳漸弄
倍憶當年之張緒

賀廣州郭郡守元旦啓

明薛士彥

畧移南陸景當鳳曆三元令布東皇春滿羊城萬室
歲時初改民物俱新恭惟某官秀毓廣陵早登黃於
淡墨才傾東楚爰掛綠於清階廟堂塵南國之懷特
重朱幡之選嶺海愜東人之望獲瞻衮服之明一路

福星三城甘雨政優五馬二千石之重寄恩覃一州
十五邑之遐陬卓矣純良賢哉師帥酌貪泉而覺爽
清豈遜吳運百甍以惜陰勤尤過侃夙負龍樓之譽
漸紆熊軾之猷某志遂識韓叨察察之未職情欣御
李感贊襄之微能沐盛德於包荒殊甚蓬麻之幸荷
高情於藏垢莫伸片菲之私茲當首祚之期徒瞻依
於遠地欲效履端之慶每想仰於下風喜桃符之載
新歡同萬姓樂椒觴之嘉會席少一人久濶星標倏
更莫茨逃思陽煦愈切芝蘭憑鴻鴈以寄忱隨燕雀
而飛賀馳情孔篤聚首無從俯垂電觀仰慰霓望

賀張太尊元旦啓

明諸葛昇

帝里頒春萬象交蘇於淮甸皇圖綿祚千禧肇集於
 和門青陽正左个之居蒼陸直東方之次履端於始
 長發其祥恭惟某官天上星精人間真宰以麟趾鳳
 苞之瑞鎮龍蟠虎踞之都億萬年王氣鬱葱爰重居
 留鎖鑰一千里風寒險要悉憑表裏提衡肘後醫方
 稜沴陰消赤縣胸中兵甲嘯聚靜偃潢池慈育盡渙
 為發生陽和先收於肺腑如冬可愛易消窮谷之陰
 與煦但溫悉放孤根之暖依光含沫蒼生頌德以多
 年出谷遷喬丹詔宣綸於指日風猷條布行將露覆
 九圍曦馭駛鞭奚直春臺萬里某半生積學方不逢
 年五斗娛親仕同望歲居諸虛度徒驚大地之春回
 風雨旻幪益感高天之庇遠鳴鷓無喙擬奏賦於頌
 椒獻雀有懷襲餘芳於傾栢仰垂丙鑒俯慰寅將

答太守送年啓

明王兆雲

春生彩袖方殷薦栢之誠賁示瑤華忽拜投桃之寵
 一字榮于華衮多儀等之瓊琬感與歲增意同春益
 恭惟某官對時育物體仁長八二千石之獨優遠出
 西京循良之上十萬戶之受福皆在東風澹宕之中
 時已協于三元慶遂臻乎多祉珠星壁月雖喜遇法

臺正朔之新蘇酒辛盤尚未頌大府風流之勝豈期
橋抑先賜箋函四六之工信錦心而繡口再三之貺
真洽髓以淪膚望棠蔭而興懷祇深結想托椒花而
寄頌未叶報章仰高誼之薄天愧酬恩之無地梅邊
覓句暫吟山意之衝寒花底退朝卽賦天顏之有喜
不勝祝願祇切感藏

賀郡公元節啓

明聶桂芳

寒消澤國熙辰煬玉燭之和輝滿江城良夕侈銀燈
之盛勝事安承楚俗歡聲競動吳歛是乃風流太守
所敷宣與衆諧樂因爲星列郎官所附麗俾躬處休
撫景而方觸感懷先期而遽蒙頒惠用茲需宴聊效
豫鳴關津本不稅春旣得泛春酒以各適市巷仍無
禁夜猶當分夜炬以同遊

新開闢本不鮮素稱壽考春國以谷歲市禁外無
無景而大顯海刺未限而雲歌惠以茲壽安則效
不勝初願祇切感戴

禁外曾當公文戰以同遊

新開闢本不鮮素稱壽考春國以谷歲市禁外無

無景而大顯海刺未限而雲歌惠以茲壽安則效

賀太守端平附

賀張太尊端陽啓

明諸葛昇

彩日揚輝萬境啓朱明之候薰風奏爽群生仰嘯蕩
之恩祝釐與歌渡俱喧寵命共沈碑不朽恭惟某官
胸吞七澤政撫五辰數萬甲兵共羨希文廟算三千
珠璧咸推永叔詞宗南向十八城股肱名郡東封二
千石領袖諸藩志薄繭絲為鷹鷲無靈為鸞鳳諧興
襦袴迺淳海而又邁穎川坐扇仁風蔭屋怡怡于平
葉隨車甘澍枯根竊竊于生莢以茲景會冰蘭遂致
祥徵渡虎蒲觴泛綠壽絲縈五色而繽紛榴火杼紅

靈印勒雙扉而掩映凡茲待命並祝長年某夙珪璫
新瞻芥藻中都試宰雖聞鬻羔不飾之風濠上觀瀾
尚媿游魚知樂之意對時茂育撫景增慙惟是未暇
晷趨謹此寅申蠲獻槐龍舞夏初縷長命之絲艾虎
應時藉作辟兵之篆日綏福履永錫餘禧

回吉州繆守送端午啓

宋文天祥

端午賜衣漸傳璽召昌陽薦俎忽沐珍頒行人賁然
來思野老為之驚見恭惟某官心清於水仁行如春
岐麥詠漁陽方騰善政角黍記荆楚尚念流風亦分
百索之餘遠及一厘之陋某倏驚晷晚良感殷勤翦

絲艾以為嬉強酌佳節對燈花而作報多謝故人

回常德府午節啓

明蔡復一

宦跡滯辰感將軍之避暑地臘逢午宜楚客之讀騷
托蘭味於不孤贈蒲觴而忘遠想東城童舞薰風化
滿麥秋奈非土人留長日愁深梅雨驚華牋之照眼
攜來五色之絲誦妙語以瘳育坐獲三年之艾川罔
攸濟惟賴同舟石猶我生即侔續命庶靈符之可式
永結佩之無忘

賀太守中秋同答附

賀張太尊中秋啓

明諸葛昇

碧漢清澄秋色矩司台兒紫氛淨洗月華規滿蒼乾
 寒迎擊鼓之辰令肅繡河之地揚眉宇下引領光中
 恭惟某官金湯作鎮玉節兼衡智劍橫空直指星沈
 貫索心珠高朗遙瞻昴避金臺瑩敷瀚海以熨波冷
 浸瀟湘而寫昭聲聆兔搗恍和梧井之衣砧句誦烏
 飛靜安柳營之刁斗凡茲仰鏡爭羨乘槎某備員斗
 區執掌荒歲嗷嗷聲徹載路碌碌歸自戴星歷塊無
 竒徒蔽馬牛之走繞枝有借常懷烏鵲之依望桂影

而樾蔭在前傾葵衷而芹忱可後臚陳別肅惟異內
融鼎賜統在可任寅禱

賀太尊中秋啓

明諸葛昇

令節平均碧洗四天一色舒光滿馭清凌千里無埃
歡騰樂雉之郊慶集塗雉之閣此生常見威德難逢
恭惟某官慧燭高張清規遠印醫國書懸肘後悉登
稿壤於有秋照人鏡注胸中大啓迷塗於不夜備是
文武可使也小民殷借寇之思致思賢良欲安之天
子重召龔之綽望隆北鑰旣勞半璧以撐天興溢南
樸試展一樽而吸月對廣寒之兔皎洞見我心儼牛

潛之犀燃潛消妖稜凡茲闇溜並屬昭宣矧列斗區
敢忘星戴某管窺自小緯恤無能浮雲亦有梯不傍
他家門戶韶光如見借有同近水樓臺韻雖促於吟
砌之蛩情每長於繞枝之鵲莫陪桂席以侑松醪敬
瀝葵衷以伸芹曝伏冀垂青末昭可勝鏤赤長瞻

答常德府中秋啓

明蔡復一

時光秋半誰非待月之人旅思風前同是聚星之客
正冰壺之有想忽玉笋之遙分江晚芙蓉涼氣微侵
懷袖露清金粟天香靜灑衣裳光明燭之照逃亡予
心良愧兼葭霜之念涸溯君誼何殷願分影於東隣

庶減愁於北渚

賀太守重陽回答

賀平樂牧伯啓重陽

明

良遇平坤封八八而逢戌剝悅言乎兌節九九以重
陽蟋蟀依人兼葭極目資眺臨則秋水長天一色問
涼燠則金莖玉露同清登高肇自古人豪興落參軍
之帽勝遊傳于今日雄心振干仞之依想白衣人來
滿擬嘗君子之酒瞻紫茱萸佩私心祝明公之齡謹
勒素緘用申丹悃

答常德府重陽

明蔡復一

築圃登禾秋色照豐年之樂持杯泛菊寒香催騷客

之吟非有勝情莫酬佳節而僕當授衣之候坐歎民
窮感插萸之辰翻憐弟遠參僚旅眺襟抱屢異於桓
公五斗驅人形容厚慚於陶子豈復山顛遺帽表勝
南荆維昨題詩抗懷東晉乎忽枉江州之信倍撩宋
玉之愁想賓從憑高如陪雅集看土人野宴式賴修
和

賀太守冬至附回答

賀趙汀州冬至啓

宋趙巽齋

圭躔揆景序乘七日之陽來寶斝流輝恩煥五雲之
光動一賢履此千里熙然恭惟其官聲應黃鍾春融
皂蓋奉詔寬大細民同挾纊之溫東節剛嚴老吏有
折綿之凜時維亨復福已類升其才乏線長心隨灰
暖頌條海角第遠依鈴閣之書閑問訊天邊當其慶
玉輝之春度

賀衢州孫守啓

宋李劉

孤竹之管雲和之琴律偕冬至太末之城姑蔑之里

和共春回時惟旬侯懋綏疇祉恭惟某官氣資氷潔
政術泉流桑蔭在庭認憇棠之勿翦黍生于盛笑刻
楮之不成佇即從日邊而來斯可後天下而樂其漫
聯紛社阻捧栢觴畫戟香凝已不殊於雲物紫宸朝
散猶及見於風標

賀傳建寧啓 冬至

宋李 劉

魯臺觀象肇新五色之書漢殿陳儀爰合八能之奏
惟良作牧與國同休恭惟某官節凜氷霜氣塞天地
一麾出守績已茂於循良千里見王道豈忘於仁義
當陽德彙進之始非君子道長而何宜對熙辰茂綏
純嘏其無由稱慶輒致頌言禡角斗杓曆已開於周

正植鱗箕尾夢即兆於商嚴

賀平江李大諫啓 冬至

宋李 劉代

黃鍾律應地回燕谷之春畫戟香凝人詠蘇州之守
宜從亞歲益介繁禧恭惟某官以厭承明而試馮翊
獻履貢襪益深旒宸之思今袴昔襦聊借京師之潤
布緹密驗召綽顯頌其縻身於朝莫向以賀靈臺歛
竹已默應於殿中山意放梅更相期於鼎實

賀趙守冬至啓

宋劉 宰

觀臺紀物八方呈瑞之初燕寢凝香千里召和之始

鼎來諸福比及群生恭惟某官識洞化元道侔剛長
仁風駘蕩漸回一氣之迎義槩激昂盡屏群陰之退
宜入鴻鈞之運默調玉燭之和某久與鷗盟莫遑燕
賀雖座莫陪於北海而醴實設於穆生旨且多多且
有豈但歌周雅之詩耆而壽壽而昌更願續魯人之
頌

賀郭贛州冬至啓

宋周必大

候舒長之日知太平之無愆瞻迎送之雲驗循良之
有助恭惟某官明超著蔡政捷蒲盧開潘歲月之幾
何闔境歌謠之籍甚順迎陽復參麗搏和豈徒繁祿
之具膺蓋亦善祥之總集登觀臺於管國姑追視朔
之儀歛圖陞於周郊終贊事天之禮

回太平州廬州池州賀冬至啓

宋周必大

考易而測天心既占七日之復登臺而觀雲氣又卜
一年之豐惟時介藩宜集嘉祉恭惟某官道隨剛長
德配陽新雅惠澤以加民歛休祥而臻已坐迎令序
行陟近司某方治書郵遽勤緘翰永言感頌交集襟
悰

回趙守送節物啓

宋劉宰

修履長之賀魯未徹於聽官摠逮下之誠已先馳於

命介旨酒最江山之勝嘉穀兼川陸之珍藹然衰孱
何以報稱某官喜新陽之肇復推德令之撫謙眷言
陳人屏居窮巷如草堂之杜老瓢棄而存如玉川之
盧生盤空何有爰頒厚餉以賁孤蹤某登嘉以還寵
榮何已敬陳祖廟以修豺獾之供未昧此心敢忘犬
馬之報

回處州林守恪 冬至

宋李 劉代

化日迎長卿雲紀瑞黃鍾動地叶陽律六鳳之鳴紅
旆行春驗人生五馬之貴恭惟某官剛全天運和協
時中言從古括之邦暫布甘棠之教三重緹縵既觀
葭律之浮一札絲綸即趣楓宸之侍某未由獻履莫
獲稱觴山意放梅試問和羹之信靈臺吹竹盡回寒
谷之温

代回諸州冬至啓

宋李 劉

璿杓建子觀仍驗於五雲綺甸選侯復聿來於七日
仁賢所萃莠莠綠其襪恭惟某官德與時偕道隨剛長
絲綸邇只祥催宮線之添襦袴煖然聲協律緹之應
諒對四分之鳳曆趣歸三點之鴛行某百念灰寒寸
材機短歸吾視諸故府漫見新陽蹇誰留兮中洲願
膺表選

回湖州魏守啓

宋李劉

杓構龍而建子象自天旋笳吹鳳以及辰陽從地復
諸侯之應百福是宜恭惟某官坐分左符卧治右翊
三微統正知顧渚之春回一線影舒覺長安之日近
道隨剛長福與時升某茲辱朋緘無由旅賀葭葦六
琯是為袖策朔復朔之祥麥熟兩岐莫陪太守樂其
樂之宴

賀郡守冬節啓

明陶望齡

留在地中復葭飛緹室之灰子為天之正梅浥練溪
之煖歡騰燕寢頌洽犧樽蒸惟某官博人醇明慈祥
篤厚温如圭日聲名應黃鍾之和清徹冰壺文物擅
熙臺之瑞朝崑崙夕玄圃豈但曰一二千石之良左
浮丘右洪崖乃肯賦三十六峰之秀於穆袴襦之最
有來綸綍之褒坐而堯言進而舜趨已覺觚稜之天
近前有召父後有杜母何知戟衛之日長某式對亨
期丕承剛德紀漢宮之迎至屢驚節物之崢嶸吹鄒
律以破寒更探陽和之消息其為瞻詠第劇蘊綜

賀孫守冬節啓

明王命爵

至望同辰雲薄翠微之曉陽和動地天開碧落之春
維承流師帥之尊膺自天戩穀之慶歡騰燕寢頌洽
鯨樽恭惟某官温如圭日清徹壺永黃堂晝永運陽
開陰闔之機回戟香凝收歲稔時和之效煖回寒谷
人樂熙臺田里無怨聲已洽袴襦之愛朝廷知治行
佇頒綸綽之褒昌期已報於愁窮盛德益媿于剛長
丈三日近遙知宮線之添尺五天低趣侍宸旒之邃
某遭時七日藉庇二天煖入孤根已動揚州之梅興
曉傳殊渥喜聞詞液之芝香愧與賀俱意非言盡

賀南昌郡伯冬至啓

明柯 景

日運璣衡欣際一陽之復星聯麾節茂膺百福之升
式對昌辰恪陳善頌恭惟某官氣涵剛大德毓粹和
簪紱輝煌掩映青氈之舊袴襦温煥彌縫繡線之長
况惟二千石循良又屬十三經司命冲融胸次播爲
南浦仁風渥潤恩慈散作西山化雨梅開春信早已
看漏息于南枝芝檢瑞光浮佇看趣裝于北闕某又
席二天之庇欣逢七日之來稱觴上刺史之堂悵無
六翮揮墨奏小夫之牘徒有一枕

賀太守冬節啓

明

周正建子義寔取於天開貞下起元道駁昌乎剛長
功歸調燮祉錫朋來恭惟某官胸含元化手握玄樞
飲人以醇久矣太羹玄酒御衆以簡居然味淡聲希
社無鼠而城無狐陰消陽長食有魚而衣有袴物泰
民安績簡九重恩隆三錫喜茲七日來復佇看百福
攸同某樸邀庸材迂踈下吏陽春有脚幸竊庇於二
天大造無私異徼恩於一線對茲嘉節祇飾芹私仰
企台嚴俯垂鑒采

賀郡伯冬節啓

明謝 恩

六筭應律喜逢剛長之辰五馬生輝茂集大來之慶
頌聲洋溢和氣周流恭惟某官清映雪車光涵月璧
奇堂晝暖運陽開陰闢之機回戟香凝收時和歲豐
之效温回陽谷人樂熙臺茲占雲物之祥即見天光
之近景添紋線已催補袞之工春上暖枝行試調羹
之手某棲遲百里鼓舞二天薦紳競慕孔北海詎知
彌生輩被明公之知辦香敬祝曾南豐當效後山公
事前輩之意其為頌詠罔旣敷宣

賀太守冬至啓

明馬 朴

籥鐘應律肇開小至之辰鈴閣迎祥茂集大來之慶
歡騰寒谷喜頌春臺恭惟某官德配陽和道偕剛長

幘幘一郡見化國之日舒襦袴萬民裕荒年之歲計
趙日三冬可愛五雲之瑞物難方夷風百世為師一
氣之鴻鈞聿轉睭茲亞歲宜欽崇禧其襪線短才徒
拙長懷之補管灰冷跡謬履暖律之吹茂對良辰益
懷大造復一陽亨占君子如日之升歛五福錫厥庶
民與天同覆薄申芹獻罔既葵傾

賀福州張大尊冬至啓

明方從相代

雲物融融太史握書祥之筆陽和脉脉八風成叶律
之吹黃堂已覺回春緹室先傳挾纒首騰祝頌倍切
歡欣恭惟某官氣集渾真才餘替燮撫一郡之蒼赤
資九邑以膏飴當靈鳥之紀官值伯趙之司至薄領
所繫襪履弗躬謹遣役員代申稟賀伏冀與陽蒸盛
躋民生于燠煦之休如日斯長養天下以昌寧之福

